

國朝詩人徵略

國朝詩人徵略卷四十三

番禺張維屏子樹輯

錢灋

字東注號南園雲南昆明人乾隆三十六年進士

官通政司副使

南園居臺諫慷慨敢言無所梗避嘗劾山東巡撫
貪暴不法

勅密得實正其誅眉稜聳峭同事畏之其實中懷樂善見
如不及清談終日必以世事爲心君督湖南學政
予從雲南入都道出辰州時方屬門試士子僅貽

一刺候之而君遣人固請少畱比日暮試畢卽至
予寓中蟬聯架語燭見跋乃去其飲人以和如此
君歿後索其詩不得雲南門人袁子文揆以所選
滇南詩略見示故抄錄數首於此

劉海詩傳

當乾隆之末和珅自張威福朝士有恥趨其門下
者已可貴矣若夫立論侃然能訟言其失於奏章
者錢侍御一人而已

惜抱軒文集

摘句 時命有利鈍此意久所體

雄都峙楚峴雨霽重鎮窺吳號上游
荊州
此夕公安城裏月藥鑄孤枕對黃昏

程世淳

字端立號激江江南歙縣人乾隆三十六年進士官御史

先生爲御史有伉直聲督山東學政奉

旨主試武闈異數也後引疾歸主講中江晴川兩書院凡二十年晚年喜談道與朱文正公尤相契壬午力辭講席旋里次年卒年八十六卒前數月寫遺囑猶作小楷其神明澹定如此

聽松廬文鈔

余於詩古文及駢體雜文以至詞曲無所不好而時文中見有發揮名理包羅史事抒寫物情者亦

復愛翫不置惟於近時所謂律賦觀之味同嚼蠟
且有疊牀架屋滿紙時文調者尤令人欲臥矣程
澄江先生詩有云最忌習時腔用韻之八股此二
語蓋爲凡作賦者下鍼砭也聽松廬詩話

摘句 用法去其甚存心求所安

歸來三徑菊坐對九江潮

送窮道屢空乞巧亦蹉跎韓柳皆賢者當
年奈困何

古來明月三分少天下瓊花一樹多

揚州

不逢春日偏能醉閒到秋江尚未遲

本芙蓉

邵晉涵

字與桐號二雲浙江餘姚人乾隆三十六年會試
第一官侍講學士有南江文鈔詩鈔

君少多病左目微眚清羸如不勝衣而獨善讀書
數行俱下寒暑舟車未嘗頃刻輟業於四部七錄
無不研究嘗謂爾雅者六藝之津梁而邢叔明疏
淺陋不稱乃別爲正義以郭景純爲宗而兼采舍
人樊劉李孫諸家郭有未詳者摭他書補之凡三
四易稿而始定今承學之士多舍邢而從邵矣自
歐陽公五代史出而薛氏舊史廢獨永樂大典采

此書君在館會粹編次其闕者采冊府元龜諸書補之由是薛史復傳人間予嘗論宋史紀傳南渡不如東都之有法寧宗以後又不如前三朝之粗備微特事迹不完卽褒貶亦失實君聞而善之乃撰南都事略以續王偁之書詞簡事增過正史遠甚畢尙書沅續宋元通鑑常就君商榷輒歎曰今之道原貢甫也君生長浙東習聞蕺山南雷諸先生緒論於明季朋黨奄寺亂政及唐魯三王起兵本末口講手畫往往出于正史之外自君謝世而南江文獻無可徵矣君所著又有孟子述義穀梁

正義韓詩內傳攷

皇朝大臣謚述錄輶軒日記皆實事求是有益于學者君至性過人事親喪葬盡禮篤于故舊久要不忘性狷介不踏權要之門以教授生徒自給詩文操筆立就淵博奧衍有南江詩文稿潛研堂文集

二雲在史館最久數十年來名卿列傳多出其手據質直書未嘗有所依阿瞻徇也湖海詩傳

先生博聞強記於宋明以來史事最深在

四庫館與戴東原諸先生編緝載籍史學諸書多由

先生訂其略其提要亦多出先生之手

掌經室集

南江札記四卷前三卷攷經第四卷攷史

松軒隨筆

摘句 西風振客衣西山落襟袖

遠遊不如歸新知不如故

斷梗隨風人易別薄寒吹袂酒初醒

魯仕驥

字九臯號絜非江西新城人乾隆三十六年進士
官夏縣知縣有山木居士集

君嘗謁朱梅畦而受其爲古文之法君古文雖本
梅畦而自傳以已之所得持論尤中正里居授其
學于子弟及鄉之雋才又授于其甥陳用光蓋新

城數年中古文之學日盛矣其源自君也

文集抱軒

君謁選得山西夏縣縣常驛道縣舊分二十餘里以次出錢供役謂之里差君自持既廉又減其役之得已者而重禁侵蠹民大便之

同上

摘句 舟行願無波車行願無泥

人生骨肉情覩此足嘆嗟亡者旣已矣存者客天涯

程晉芳

字魚門號蕺園江南歙縣人乾隆三十六年進士

官吏部主事以校勘

四庫全書改編修有叢園全集

魚門祖居新安治鹽于淮乾隆初兩淮殷富程氏尤豪侈君獨愔愔好儒罄其貲購書五萬卷君耽于學百事不理又好周戚友求者應不求者或強施之付會計于家奴任盜侵了不勘詰以故雖有俸有佽助如沃雪填海負券山積勢不能支乞假赴陝將謀之中丞畢公爲歸老計時酷暑索通者呼噪隨之君已衰老乘弇棧車行烈日中遂病至中丞署中一月死年六十七所著周易知旨尚書今文釋義左傳翼疏禮記集釋各若干卷小倉山房文集

京師語云竹君先生死士無談處魚門先生死士無走處同上

標題

王莽貨布歌七古

太白鐘七古

苗刀歌七古

摘句

人生各有好彼此不互易

春水方生夜孤帆獨去時

殘篋誰憐白團扇新聲終愛鬱輪袍

藏名漫擬隨龍尾學道何曾悟馬蹄

孔繼涵

字體生山東曲阜人乾隆三十六年進士官戶部
主事有紅櫺書屋詩集

孔體生農部著有春秋世族譜春秋地名人名同
名錄春秋閏例日食例左國蒙求周官聯事國語

解訂謗松軒

隨筆

摘句 淡者非枯槁濃者非粉黛

又是一年春過眼棟花開盡賣櫻桃

陳昌齊

字賓臣號觀樓廣東海康人乾隆三十六年進士
官溫處道有賜書堂集

先生自編修至中允十餘年歷充三通館纂修官

四庫館纂修兼分校官

國史館纂修官一爲甲午湖北鄉試主考官乙未會

試同考官

登雲山房文稿

其掌刑科給事也疏言粵東洋匪會匪相爲狼狽
屢苦瀕海民若不及時懲創誠恐釀患日深且會
匪藉洋匪爲去路洋匪靖則會匪自消

同上

先生奏繕捕洋賊事宜其略云查屢次土嶼之洋
匪不過一二百人至行刦輒有陸居會匪持械助
兇每行刦後給丁壯等銀每人數十兩誘令下海
沿海居民類皆採捕爲生習拳勇熟水勢向爲匪
等所畏自匪等出銀招誘從匪者往往而有因思

重賞之下必有勇夫可以爲盜即可用以捕盜似宜令地方官明張告示有能出洋勦捕或乘匪等上岸併力殲擒送官驗實者其財物船隻一概給予充賞卽已經聽誘下海之丁壯若能設法殲擒連船投首亦准免罪

雁山文鈔

巴圖魯一等侯德楞泰奉

命按閩閩浙營伍議于各海峽設兵巡邏不許一人下海俟風采嚴厲屬吏莫敢置對先生進曰環海居民多捕魚爲業若禁其下海則數萬漁戶無以爲生激變之咎誰當上之侯默然久之曰公言是也

同

先生論學謂不當。漢宋爲二。漢儒有傳經之功。宋儒有體道之實。儒所長在訓詁。宋儒所長在義理。且程朱未嘗不從訓詁入也。謂明人言說文過于分。近人言說文過于合。謂今世宗漢學者失之拘墟。後雲山房文稿

所著有經典釋文附錄歷代音韻流變考測天約術楚辭韻辨天學脞說臨池瑣語呂氏春秋正誤淮南子正誤營兆約旨囊玉秘旨別傳同上

摘句

天開無盡藏人坐最高峰

微言都著已淡趣足忘貧

贍勞
野

自來臣朔能禁餓豈有韓康尙好名
餘年尙有皆天賜長物原無許我閒

胡亦常

字同謙廣東順德人乾隆三十六年舉人

亦常事母孝抗志希古不欲爲一鄉一國之上詩

妙悟天成能於南園諸子外自成一家

廣東通志

富貴人飲食居處服御無不適意一旦失其富貴
而處貧賤必將有愀然不可終日者惟能處富貴
又能處貧賤乃不爲境困耳胡同謙詩云常恐驟
富貴不復能貧賤語最可思

慈松齋詩話

同謙有踏車曲云海遠於岷中間轉灌水上天半
一半人汗語極古質而人力之勞已見上

標題

詠古五

四君詠古五

觀鶴鬪古七

摘句

鳩鷹有遷性荃茅無恆根朝爲人愛惜暮

爲人所憐

元氣迴羣物神功動百靈

浴引

積嫌詞賦美多誤性情真

陳思王墓

彭

淑

字秋潭湖北長陽人乾隆三十六年舉人官吉水

知縣有蟾芝集

秋潭沈毅喜學問能文章好切言高論所歷崇仁弋陽瑞金吉水振綱舉凡釐條搜目期於大適而

後已

大雲山房文稿

摘句 桐陰山路淨稻氣水風涼

相思舊雨非今雨惆悵逢君是送君

鐵保

字冶亭號梅庵滿洲人乾隆三十七年進士官至兵部尙書兩江總督有梅庵集

冶亭少入詞垣以詩名尤工書法北人論書者以劉相國石庵翁鴻臚覃溪及君爲鼎足嘗選集

國初以來滿洲人詩爲

熙朝雅頌共一百二十卷蓋百餘年來名人傑作搜採無遺尤足爲

盛朝掌故也

湖海詩傳

尙書興百菊谿制府法時帆學士天下稱三才子
生平敬賢禮士人倫冰鑒真鄂文端後一人羣雅集
標題 黃金臺七古 日出謠七古

摘句 士窮詩任過才大地分靈

灘聲畱雨住雲影帶山飛

頓驚佳日去如見故人來

廢稿

對面馬隨飛鳥沒上山人帶斷雲來古北

天外雲如倦遊客雨中花似獨醒人

愁裏逢春驚老至中年生女作兒看

許兆椿

字秋巖湖北雲夢人乾隆三十七年進士官江寧

布政使有秋水閣詩鈔

秋巖與弟石泉兆棠先後入詞館石泉早卒秋巖
轉御史降刑部郎由知府而至監司嘗與子案事
高郵及長沙應山衡輝諸處同羈旅者年餘于思
飄然議論明達工詩善書尤精於吏牘下筆千言

無不迎刃而解與其鄉余元亭同知彭秋潭明府

文名鼎峙

湖海詩傳

先生官江南釐奸剔弊蠭胥豪猾尤加懲創

羣雅集

摘句 塞天風有色江浦月流聲

世味漸諳知老大鄉園欲近問桑麻

風雷直破蠻人膽日月原臨化外天

記得前年長白下雪花如掌作中秋

鄒炳泰

字仲文號曉屏江南無錫人乾隆三十七年進士
官至戶部尚書有午風堂集

曉屏清真廉介素以名節自持山東江西兩任學政非特苞苴屏絕卽偶有承筐亦必卻也詩風格在青邱漁洋間又撰午風堂叢談名公佳話詞林典實多摭其巾足爲史學之助

湖海詩傳

摘句 林藏兩厓合樓出一峰高

潮聲到關盡帆影上城來

山鐘過澗初知寺江月升舟欲上潮

石磴茶壺清暑後書胞梧韻晚涼餘

百齡

字菊溪滿洲人乾隆三十七年進士官至兵部尚

書協辦大學士有守意龕詩鈔

百菊溪制府
粵時多惠政而嚴禁班館重懲蠹役一節尤得心班館者蠹役私設以羈畱犯事及訟案牽連之人也公在任數月調兩湖總督去之日士民遮道畱肩輿不得行至夜乘馬出城乃登舟後復奉

命督學先聲奪人海盜望風有降意於是巨盜張保首先乞降公許之保懼誅未敢遽進請公出海招撫願望見顏色乃降旁人謂公不宜以貴重之身蹈不測公曰粵人苦海盜久矣今既乞降若不開其自

新之路海氛何時息乎旣招撫之卽宜坦白待之使不生疑懼遂單舸出虎門時盜船數十艘隨張保來環公船公神色不動命張保過船進見好言撫慰之獎勵之並以所用之物賞之保於是率衆降公卽奏請

旨賞給頂戴因命張保招降巨夥烏石二烏石二猶豫未決公以計誘至雷州斬之並斬爲從者百餘人餘黨釋之粵海巨盜悉平二十年來沿海居民及商船來往得以安然無患者公之力也

文鈔
松廬

嘉慶乙丑六月廿六日菊溪百公調任兩湖總督

有感

恩紀事詩四首錄第三首云不敎藏過宰官身夾路香燈
照水濱豈有去思留異日從來直道在斯民同其
好惡情能洽釀以詩書氣自醇付與諸公勤撫字
未妨單騎出城闕公去任之日士民遮道畱至夜
公乘馬出城故有結語聽松廬詩話

百菊溪尚書有俠女行一篇序云有嫠母與女獨
處有紈袴子目而豔之強委禽焉選日往迎女女
夜與母訣欲自裁悲愴間有虬鬚者自屋飛下謂
母曰若所苦吾已聞之矣勿悲請以身代母方詫

卽擲刀去巾鬢宛然好女子也母女大驚喜急爲
塗粧結束俄綵輿至乃假發女往豪家方張宴列
炬以待女入門密爇異香一室皆昧乃攬其寶器
還母家夜猶未闌謂母曰惡姻緣已斷請爲若女
更結好姻緣此寶器以資奩具也遂挾母女去不
知所終此事頗快人意因錄之尙書詩有云借面
誰知善女人低眉我亦奇男子語亦警切同上

摘句 又逢生我日難得養親時

生日示
諸弟

出門無百里憶汝已千回

寄女

後日功名誰料得前生福地要修來

從知民事原難緩此是天功詎敢貪粵海平

開眼東風過二月畫眉春色到三分

春柳

嶺南一事君堪羨殺賊歸來啖荔枝

凌浩

字滄洲號花農河南中牟人乾隆三十七年進士官貴州知府有花農集

公之先常熟人祖宦粵東家焉始業鹽筴既而鹾務日落遂遠游就中牟幕乾隆辛巳秋河決楊橋大溜將繞牟城而下牟令唐君倉皇商諸公公令城中丁壯以筐運土筐百錢復發錢市質庫之帑

被袴襦爲塞城罅漏又以民間裹糧布囊實土以掩之又令戶各輸秫席並輸麻以麻聯兩席如囊中實以土抵於城根若列齒狀有隙則以土繭縫之層土層囊復於澑勢冲激處捲埽禦之於是中牟城獲安後公卽著籍中牟以太學生應鄉試中式舉人壬辰成進士以知縣卽用淳擢大定府知府護理貴西道卒年七十二

聽松齋文鈔

公捐廉刊張君

甄陶

所著四書翼註論文

松軒隨筆

摘句 悠然濠上心吾以隱爲吏

不是芳心能耐久翻愁和雪一齊消

梅花

吳俊

字彊繡號蠡濤江南吳縣人乾隆三十七年進士官山東布政使有榮性堂集

蠡濤與弟少甫同以畫省望郎稱詩京雒蠡濤取徑幽深精心獨造從軍以後崎嶇烽火所見益奇筆足以發難顯之情卽少甫亦多不逮湖海詩傳

榮性堂文集中載十家牌法云每十家爲一牌公舉牌長一名如十家之內有一家爲匪及通盜窩匪者九家卽行細縛送官倘有徇隱經別牌察出牌長治罪九家一併究處累十牌爲一甲公舉甲

長一人累若干甲爲一約公舉身家殷實人品端
方無論有職無職一人充當約正再舉一人充當
約副一約之事均歸約正約副管理由官給與鈐
鑽執照每家門首各懸一牌牌上詳寫丁口姓名
年歲行業牌長門首懸一大牌將十家姓名年歲
丁口行業彙書於上每日晚間牌長赴各家的審
人口有無增減及有窩藏匪類等情累十牌烟戶
丁口共爲一冊交甲長掌管又累若干甲烟戶丁
口共爲一冊交約正副掌管每約多不得過十甲
仍另造清冊繳送地方官以備抽查愚按此保甲

之法本於周禮自兩漢後魏以迄於明皆嘗倣而

行之而于北溟

成龍

陸稼書臘其

彭九峰鵬

張孝

伯行先

李義卿

光型

沈冠雲

彤

諸前哲論之益詳

近時左杳莊中丞

輔

增編零戶另戶兩種尤善其

孤苦無依者名之曰零戶其行為不端者名之曰

另戶零戶可以動旁人矜恤之心另戶可以動本

人愧恥之念且另戶不編入十家牌內彼雖强悍

亦將孤立而無所容誠良法美意也雖然有治法

亦貴乎有治人耳不得其人吾恐保民之利未見

而擾民之弊先見矣

松心日錄

欲行保甲之利必先除保甲之弊如彭中丞鵬保
甲示所云不點卯不委員不取結保甲長不聽情
更換凡牌自買紙刷印不費民一錢是誠去擾累
之弊矣然愚更有進者鄉民多各懷其私約正事
事秉公持正不難先結怨於鄉人然則約正誠不
易爲而廉謹有品者多不肯爲其肯爲之者大都
好事之徒甚則漁利之輩如是而欲其有實效也
難矣嗟乎治法易言治人難得豈獨保甲哉同上

摘句 梧竹倚娟妙水雲相淺深

書生敢謂平蠻易幕府深虞轉餉難

秦瀛

字凌滄號小峴江南無錫人乾隆三十九年舉人官刑部侍郎有小峴山人集

錫山秦氏素以事功經術見稱至對岩學士始擅詞章有蒼峴山人集故凌滄以小峴名集在武陵數年益以文章山水自任招邀賢俊屢爲詩酒之會刻前哲遺書又修望湖樓上以供東坡修龍井

寺旁隙地建祠以祀少游而詩文日益進

湖海詩傳

司寇歿歷中外鋤奸除弊風骨嚴峻人不敢干以私任浙時士夫肖像刻石祀之詩謹守唐賢古文

希踪歸方兩家以叫噭狂縱爲才大者當奉爲清

涼散也

羣雅集

小峴先生襟懷瀟灑雖位躋通顯而儀度同於山澤之曜生平愛才禮士藹若春溫及施之政事善於用猛爲廣東臬使時訪拏積匪從嚴懲治匪徒聞風歛跡除莠安良百姓至今德之惜其在任未久耳

聽松廬文鈔

小峴先生論文云文以明道沾沾於尋章摘句鉤詎詰之學而形而上者反遺焉文以致用倣精勞神於注疏箋釋紛紜轢轉而所爲適於用者不

存焉治古文而欲廢攷据非也以攷據爲古文亦
非也觀此數言而先生爲文之宗旨已見

松軒隨筆

小峴先生廉訪吾粵時風清政肅公餘不廢篇詠

後擢浙藩馮魚山劉樸石兩先生偕吾輩數詞人

繪圖賦詩餞送於花埭先生臨別曰明日此時相

思都在迷離煙雨中矣賦詩誌別其次章云花田

古勝區飛甍在曉靄從來送行者於此集冠蓋羣

公澹蕩人襟懷出塵埃謂我非俗吏世態盡淘汰

論詩半簷笠讀畫緩巾帶花藥滿階前延翫豁矇

昧勿聞津吏喧執手動深慨相期崇令名詎久隱

蓬丈

朝廷正需賢彈冠赴良會時同祖席者張南山同年

維屏

吳雁山孝廉

應達

梁蓼圃明經

吳

劉月鋗明

經

廣禮

藥房先生

思齊

魚山先生

令子子坦秀才

士履

也

否石

丁卯余在都中先生招同法時帆宮庶吳蘭雪國
博陶季壽大令潘伯臨比部拜淮海先生像談醺
極歡後公餘輒招過寓齋評詩讀畫先生論及古
人詩文或自出所作每琅琅吟誦或談古今事意
所不可輒振袂離席甚且七箸落於地其真性坦

率令人想見老輩天懷猶是書生本色也

聽松齋詩話

小峴先生五七律多警健之作偶錄數首於此判

軒墓云一死報燕丹如卿亦大難酒徒從此盡易

水至今寒擊筑歌聲古招魂俠骨殘惜哉疎鷁術

孤負白衣冠鑿巫闌云萬古大荒東開天一鎮雄

空青塞遼薌蒼翠割鴻濛石壓危崕樹潮鳴大壑

風夫犁莽蕭颯碑碣問遺宮文信國祠云天留正

氣作星辰滄海橫流繫此身風雨厓山思帝子衣

冠柴市泣靈臣北枝夢冷梅花月南國啼殘杜宇

春異代孤忠鄉後進從公碧血化青燐

明李忠肅
邦華自經

於信國祠謝文節祠云書成却聘已長饑賣卜餘生涕
淚揮滄海只餘孤鶴在錢塘不見六龍歸衣冠南
渡空禾黍日月西山長蕨薇天水到公殘局盡蒼
涼蕭寺送斜暉祠在憫忠寺故結句云爾同上

標題

鸚鵡洲七古

晉碑七古

過采石磯放歌七古

題宋高宗手書賜岳忠武敕後七古

入

峽五古

摘句 人生天地間無如讀書美

嗜欲鑿情竊憂患伐性柯聞道苦不早萬
事成蹉跎

荷外鳥雙下柳陰
一鳴

村水不容路山雲近人

天橫古塞出山壓大荒來

前潮流水在舊事夕陽知

三百人銷金虎氣六千士散水星軍

一水鴟夷連越絕三年烏喙沼吳宮

三生慧遠山中社一枕羲皇柳下門

靖節故里

目窮南海初升日腳踏中原未了山

危言豈畏含沙怒

聖代能容伏闕呼

喜聞故御史曹劍亭蒙
蔭有作

恩贈銜子

吳蘭庭

字胥石浙江歸安人乾隆三十九年舉人有南雪草堂詩集

胥石壯遊燕趙多蒼深清健之作年六十餘寓京師與仁和吳長元齊名時號二吳胥石有五代史纂誤補四卷長元有宸垣志略十六卷湖海詩傳

摘句
麥場風引雉荷浦雨隨鷗

晴烟融碧樹小雨漲紅潮

豈有虎貢憐北海空餘馬策慟西州

愁鬢欲星還作客長途無日不登高

宋大樽

字左彝號茗香浙江仁和人乾隆三十九年舉人官國子監助教有學古集牧牛村舍詩鈔

宋茗香詩以太白爲法能不襲面目而別具神解寄山塘酒家云美人安在哉猶在姑蘇臺一片五湖月香魂獨自回春風忽吹散化作桃花開笑勸

當墟女如何不舉杯

靈芬館詩話

茗香五言極有真氣送陳白雲

穉

北上云阻君非

人情送君殊黯然我有田間廬畱君已數年君今別我去何時來田間辭榮亦云矯易退乃稱賢只

四十字而惜其遠別盼其復來望其進取勸其恬
退諸意俱到

聽松廬詩話

摘句 種花莫種桃住家莫住城桃花易零落城
市多煩縈

猶持故人酒莫作異鄉看

師範

字荔犀雲南趙州人乾隆三十九年舉人官知縣
有金華山樵集

荔犀資性敏捷偶然揮翰動輒萬言法時帆稱其
負聲若折鐵抽筆如練絲真定論也

羣雅集

荔屏令望江公明慈惠克著賢績士民謳歌之

摘句

河與山相倚

中橫斗大城

高山城題壁

立馬太行嶺關河曉月前五更橫積氣一

徑上青天

曉度太行

風雨絃三十萬佩環欵塞二千春

大同

高文照

字潤中號東菴江南武康人乾隆三十九年舉人

有闡清山房詩錄

高孝廉縱情山水倜儻不羈朱笥河學士典學院
江辟置幕府登臨嘯詠幾無虛日鄉薦後遽主蓉

城遺稿散佚秋牕大令以賢達素交搜羅片羽相
其生氣如接美襟惜乎韻海一編芸煙久化物之
傳信有數夫

吳會英才集

摘句也知才子原關數未有庸人解好名

行盡柳陰三十里和煙和月睡征鞍

李壇

字道登號杏墅廣東嘉應人乾隆三十九年舉人
官教諭有退學軒詩文集

杏墅有夙慧過目成誦自天文樂律醫經至丹青
篆刻無所不通爲詩文操筆立就

玉壺山房詩話

古言鮑魚統謂乾魚也今海榮中有所謂鮑魚其
名不知起於何時或云卽石決明或云卽鰯魚其
味甚美王莽所嗜蓋卽此物李杏墅有鰯魚行云
殼含九孔或名螺曰石決明有同科小或如錢大
如掌半蚌應月形偏頗觀此詩則鮑魚蓋卽鰯魚
與螺雖同類而實不同螺肉性寒鮑魚性微溫且
能滋肝海物中上品也

聽松廬詩話

摘句 一家常苦瘦一身常苦肥瘦肥杳不接何
如早旋歸

國朝詩人徵略卷四十三

國朝詩人徵略卷四十四

番禺張維屛子樹輯

吳錫麒

字聖徵號穀人浙江錢塘人乾隆四十年進士官祭酒有正味齋集

浙中詩派自竹垞初白兩先生後二十餘年大宗太鴻起而振之及兩公殂謝嗣音者少司成以雲蒸霞蔚之文合雪淨冰清之作馳聲藝苑獨出冠時既工駢體尤善倚聲而詩才超越直繼朱查杭厲之後宜中外望之指爲景慶也情殷謾背乞假

南還性好溪山流連詩酒青簾畫舫綠箬紅衫游
筇所造無不承蓋扶輪埽門納履湖海詩傳

吾師穀人先生有正味齋集既出修辭者以爲北
斗南車後進英髦咸資準的先生各體文皆工而
于駢體致力尤深近代能者或誇才力之大或極
摭拾之富險語僻典欲以蹠蹠百代睥睨一世不
知其虛驕易盡之氣爲有學之士所大噱也先生
不矜奇不恃博詞必澤于經史體必準乎古初合
漢魏六朝唐人爲一鑪冶之胎息旣深神采自王
衆妙畢具層見疊出所謂爲之不已直到古人愈

唱愈高去天三尺者也

八家四文抄

司成負沉博瑰麗之才由編修入都不一二年被知遇游歷今職旋陳情歸養昔賢所謂一日之養不以三公易者司成之謂也

羣雅集

先生名重中外詩文集鐫板賈人漁利致富高麗使至出金餅購有正味齋集廠肆爲一空

松軒隨筆

穀人先生駢體文論古厚不及胡稚威洪稚存至清華明秀以視諸家有過之無不及也詩鎔漢魏六朝唐宋爲一鑪而得力於宋人者爲多嘗合詩文全集論之命意必清吐辭必秀取材必富運筆

必靈凡操觚而有晦澀拙滯癡肥粗俗之病者當

奉此爲換骨金丹

聽松廬詩話

穀人先生七律多清新靈雋之作亦有沉著者如
感懷四首其首章云洗兵何日倒天瓢夜望櫈槍
氣未消江漢軍聲堅四壁風烟路勢走中條祇今
殘局猶煩算在昔微熒本易澆玉靶雕弓金勒馬
誰憐上客已頭焦此詩蓋作於川楚敘匪將平定
時使早爲撲滅自不至蔓延第六句善用逆筆結

二句亦極沉頓

同

我知之矣暢飛暢舞之場千金萬金之壽名爐畫

爇華燈夕張雕俎賸平蘭羞金尊湛其蜜醴卷髮
之女有過乎三千下箸之錢更加乎十萬倣北海
之常滿忘東方之漸高若是者謂之富交扶風豪
士五陵少年馬埒鋪銅鵠裘裏雪結客之金瀉水
照人之膽生秋答玉札以百函酬寶劍於一諾氣
求聲應川湧雲飛生慕相如之名死傍要離之冢
若是者謂之俠交至於輪輿似水冠蓋如雲三枝
棨戟之門二等金缸之第韋柔貢其顏色轂炙逞
其譖談借片羽將以升九霄附一毛可以翔千里
遂有馮讜市義毛遂爭盟侯鯖合而王氏歡鬪雞

鳴而田文脫所謂炙火不知熱倚冰不知寒者若是者謂之勢交夫恃富者忘家任俠者忘身竊勢者并至忘國夫子之門何雜比人之匪終凶凡此三端實同一轍風其吹女颺能汚人此翟公所以榜羅雀之門劉生所以廣絕交之論也若夫總角從師十年講學檢冬書而拾蠹披暑草而搜螢硯席必與偕出入必與共似乎晨夕相思不迷乎風雨華實異用均贊於韋弦何以口舌偶愆膠漆立泮談性天者詆謬乎高密自訓詁者譬議乎新安門上之莠未除室中之戈已起憤言騰于酒座詈

吟肆於賓筵學問之交亦如是乎且夫長虹遇困
而泥蟠喬木經冬而霜肅則或易衣而出含菽相
過打頭之屋難申榜腹之談不輒方謂升沉有命
顯晦何常他時富貴之遭無忘車笠之約豈知雲
泥路絕茵溷花分嗟采葵之傷根將墜井而下石
雲雨倏忽翻覆之手可成日月變遷炎涼之態難
隱惟見揚眉高視袖手無言似半面之乍逢無一
毛之可落貧賤之交又可恃乎由前而論則如彼
由後而觀則如此然則出門而求有功伐木而思
鳴鳥將欲遴玉質之無玷守金心之在中者不其

難哉不知臨世濯足履綦乎仁義之途希古振纓
繩踐於道德之路清暉接于竹柏冥契合於苔岑
則觀其面可以見其心喻於水而不汨於醴吾見
邪交歇正交興嗜欲無所紛始末無所異其進也
道自應乎雲龍其退也德亦符乎霧豹求開徑之
三益計樹人之百年莫不芬若椒蘭歡如親戚衡
宇相對則褰裳就之樵蘇不爨則清談而已其或
巖壑肆志江湖窮年視宇宙爲匡居總古今於密
席浩浩乎落落乎泉石證其性情蟲鳥通其言語
高山如面知己晤于一琴良醞可懷新詩酬之十

斗情往如臘與來若答無悔無悶與之終身此吳
穀人先生友論也於朱氏絕交劉氏廣絕交之外

更進一解爰錄之與世之喜交游者共翫之

松軒隨筆

穀人嘗自裒所著爲有正味齋集行於世世多推

其聯體之文而予所尤服膺者乃其八韻詩也穀

人他詩靡不工然生峭之音新蒨之色超逸之解

以南宋金元與漢魏六朝共鑪而冶雖脫化幾變

猶足以知其爲西冷前輩流風獨於八韻詩則天

敏自解一洗萬古真力彌滿先射命中洞入題勝

橫生側附衆妙孕包時而見若異軍蒼頭時而見

若時花好女時而見若佩玉長裾時而見若仙巾
鶴氅儻忽異狀不名一能

楊甫未定稿

虎氣消沉鶴市荒東風容易客迴腸真娘墓上年
年柳盡了春愁盡夕陽羣峰如畫照船頭歸去閒
雲白似鷗波面萬荷喧已定夕陽無語一蟬秋園
亭何止一莊荒風脚蕭蕭草有光黃蝶不知懷古
恨故將金粉賽斜陽宛然大酒肥魚社各具壺觴
各主賓占得一方苦最厚綠濛濛地坐詩人穀人
先生絕句佳者甚多此四首余尤愛誦之

聽松廬詩話

先生排律生面獨開於流轉之中含沈鬱之致集

中如文丞相遺像于忠肅公祠詩篇皆傑作也同上
余嘗欲選徐虹亭顧梁汾朱竹垞陳其年鄭板橋
厲樊榭蔣心餘黃仲則吳穀人詞合刻之名曰

國朝九家詞鈔

松軒隨筆

標題

泛舟至臯亭看梅

五古 太白酒樓歌

七古

顏魯公名印歌

七古

題鄺湛若硯銘并洗

硯池字拓本

七古

文丞相琴歌

七古

悲臺

城古 雨霖鈴曲

七古

清涼居士

七古

述

懷五首

五古

湖上大雪作歌

七古

濕瘡甚

發僵臥經旬

七古

慈雲寺尋宮人斜故址

言七

登南天門

五古

度步天橋上二天門

古五

朝陽洞

五古

日觀峰觀日出歌

七古

梅花嶺拜史閣部墓

七古

禮烈親王克勤

馬圖歌

七言

登千佛閣望塞上諸山

五古

題周端孝先生血疏貼黃遺跡

七古

摘句

雲深不見雲合沓羣峰秋秋又數峰外日

落天悠悠

長松入雲裏見雲不見松直出松頂上雪

又迷數峰

空色亦成綠冥寒欲生漪更轉更幽曠灑

然松風吹

風水時相聲沙石互成篆

不從軒冕游詎識農夫樂

離觴傾向夕情密無疎斟

十日故人酒萬端游子心

蟲聲千葉雨月氣一湖烟

春雲寒貼地海氣濕黏天

雲出爭爲天下雨日晴低見海中山

泰山

但覺無船無月載不知是水是風行

可惜此來紅葉落所思不見大江橫

有梅有竹開詩境不富不貧成草堂

樹自老蒼花自韻竹能疎瘦筍能肥

蘆三尺裏通蛙語桑萬葉中聞翦聲

名畫要如詩句讀古琴兼作冰聲聽

葉纔脫樹月流地秋欲浸人河在天

雪深正好擒元濟風利何須泊石頭

衆口稱賢寧獨我此人早死欲疑天

亭榭儘容名士會江湖難得老臣歸

擊賊未忘垂釣日臨終如唱渡河聲

讀放翁集

兒童一口稱君實福命千秋替令公

阿文威八

李憲喬

字子喬號少鶴山東高密人乾隆四十一

召試賜舉人官歸順州知州有少鶴詩鈔

單鉞序少鶴受詩於其兄石桐先生規模較濶出
入唐宋諸大家能運以己意雖巉削不傷真氣文
亦簡勁有法度官粵西時袁子才見其詩文歎曰
今之蘇子瞻也性狷介不能隨俗俯仰與江西李
松圃秉禮友松圃從受詩法以風節相砥礪歿後
妻子不能歸葬松圃以千金送其喪左國朝山詩續錄

李秉禮序子喬爲人氣象屹聳應對多若率爾而

胸次磊落余詩必以相質凡心有所得或意有所
未安者輒能指之其壯歲之作已臻於古末年造
詣尤深幽憂暢厲有騷雅之遺同上

標題

書王令詩後七古

示州父老五古

宜州黃

山谷祠堂五古

寄郭氏妹五古

摘句

家食父母尤旅食父母愁小年不努力及

壯方百憂

人睽方兀兀旣見翻卒卒已共千萬言尙
如未曾說所說非世情所說非世悅無味
中至味乃是古歡結

涪翁於爲詩抵死不肯熟

孤月無人處扁舟先雁來

能除衆有句獨得古無貧

旅寒生靜晝鄉思入閒春

更理別時語多成醉後悲

將何酬父老諒我本書生

畱別
縣民

未能諧衆好難得是真知

轉憐好時日多向衆中消

燈闌不盡談桑有未成詩

卽教就平立總有欲高心

品鵠

王焯

字少闔號碧山浙江嘉興人乾隆四十二年舉人
官敎諭有白華堂集

我鄉近學竹垞詩者不辨其根本節目所在往往
溺志於風懷閒情等作爭妍取多其能自建旗鼓
如許晦堂王少闔兩先生真豪傑之士

南野堂筆記

黃仲則句云茫茫來日愁如海寄語義和快著鞭
王碧山句云愁多輕性命皆苦語也一以揮斥出
之一以道鍊出之

梁松庵詩話

摘句 千秋詞賦陳隋上一代興亡佛老間

梁朝

遊子年華易蒲柳故人酒肆已山河

謝聖禱

字德沛號虹亭廣東番禺人乾隆四十二年舉人官知縣有春暉堂稿

虹亭早有詩名然隨手散佚聞春暉堂稿乃其令

嗣漁璜孝廉掇拾成編

嶺南羣雅

摘句 波濤爭一石烟雨失諸峰

銅駝街冷牛羊下夾馬營荒蘆荻秋

潺湲一夜龍門雨五百灘聲到枕函

國朝詩人徵略卷四十四

國朝詩人徵略卷四十五

番禺張維屏子樹輯

馮敏昌

字伯求號魚山廣東欽州人乾隆四十三年進士官戶部主事有小羅浮草堂詩鈔

乾隆庚寅由拔貢舉鄉試戊戌成進士改庶吉士授編修充甲辰會試同考官大考改官刑部主事乙卯辛酉丁外內艱廬墓六年每朔望肅衣冠向闕稽首轉而拜於祖及其師終身如一日惇篤至行其論學有云聖門之學大抵就事上見心又順理

成章至公無我可以處處推廣又知權達變無歉
於己而有濟於人此之謂仁耳其論詩云詩者心
聲也高下抗墜單緩焦殺各有一偏惟天地之中
聲流於人心而發於詩有中聲必有元氣詩者元
氣所爲非區區格調之謂能知元氣之鼓萬物此
謂大家故其詩由昌黎山谷上追李杜又穿穴諸
家而自闢面目開闔動盪不名一體歸然爲嶺南
一大宗也書法精研蘭亭平生遍遊五嶽皆造巔
題其崖壁他如匡廬龍門砥柱壺口雷首中條首
陽無不遍涉晚講學於鄉學者稱魚山先生著有

孟縣志華山小志河陽金石錄小羅浮草堂詩鈔
師友淵源集覺羅文敏公桂芳受業於敏昌卒爲
名臣嘉慶己巳奉

旨入祀鄉賢

廣東通志

魚山讀書砥行工書能詩名山大川必往登涉丁
憂歸遂不復出

湖海詩傳

魚山先生徧游五嶽凡名山大川雲煙變滅波濤
起伏之狀盤礴胸次而注於筆端渾渾浩浩包孕
萬象粵詩自曲江後一振於南園再振於海雪蘂
亭獨漉湟滌諸公以迄於今其力追正始以弁冕

百餘年來風雅羣英皆非先生其誰與歸

嶺南羣雅

在都聞釋石先生訃痛哭啜粥數十日後復哭於

墓房考章薦軒先生病劇公往護視薦軒曰甚哉

子視予猶父也臨訣以所寶大滌子畫畀焉張薦

房太史卒懸其所畫松爲位哭至啞血都中廉州

會館創始公手鄉人得所芘有卒於都者爲之謀

歸其柩千里前後月十餘楓每急人之急慨然以

不得廣廈萬間爲憾

常惺惺
齋文集

公足跡半天下嘗謁

闕里觀車服禮器登泰山至聖人小天下處遊廬阜

觀瀑布三千丈泊之天梁上中嶽神祠又抵華嶽
攀鐵緯躋嶂峽大鐫蒼龍嶺三字其上復書一聯
于嶽帝廟門在河陽時畢秋帆中丞屬脩孟縣志
親歷芒碭王屋大行諸山條其疆域訪韓子祠墓
確得其處公以北嶽去孟縣不千里騎駿馬直造
曲陽飛石之巔窮雁門長城而後返最後雨宿南
嶽廟待霽而升祝融諸峰觀雲海賦七古一首勒
石壁其餘神臯與區靡不遐矚曠覽收攬變態吐
納奇狀一注於詩同

魚山先生初以詩謁錢穉石先生大加獎許評其

詩卷云嶺南自曲江後諸子或存偏方之音惟馮生力追正始余謂曲江極其醇至先生極其大皆當以一代論者也

香石詩話

魚山先生天資超邁生平師友旣多博雅通儒而中年徧遊五嶽攬勝探奇名山大川復有以開拓胸懷增長魄力故其發而爲詩自有一種伉爽雄

豪奇嶽磊落之槩

松廬詩話

魚山先生詩集令嗣所編殆欲無一字不存遂致重複脫誤後梁蓼浦孝廉攜至都中翁覃谿秦小峴兩先生爲選定之其本甚精善蓋先生豪情勝

槩有時下筆幾不能自休如洪爐之灭金鐵齊鎔
大河之流沙礫並下者往往有之然宗派甚正體
格甚宏潤屬壇坫雄師鐘鏞巨響同上

魚山先生弱冠時卽爲學使北平翁公方綱所賞

拔且命隨至省垣節署讀書後先生官都中亦追
隨最久受知最深故朋輩中每語及翁公先生輒
肅然動容且爲敘述師訓娓娓不倦先生旣歿之
明年余入都見翁公語及先生公輒欷歔嗁咽蓋
師弟之誼篤摯如此至先生每朔望向

闕稽首轉而拜於祖及其師終身如一日此天性惇

篤尤足令人起敬者矣

松軒隨筆

魚山先生謁杜少陵祠詩有云大哉北征作元氣
高淋漓初陳戀闕心乾坤悲瘡痍繼述行旅傷回
首覩旌旗又云浣花開草堂成都得栖遲雖然縱
嘯詠亦自關蒸黎況廼君不忘中餐時墮厄嗟嗟
老賓客所需特餧糜奚偏將虎鬚幾同掩麟骯才
人自古窮夫子尤堪噫霜嚴先主宮風披武侯帷
魚水憶君臣咨嗟涕漣洟陣圖走風雲檜柏森蛟
螭高秋白帝城暮雨昆明池併作一生愁茫然千
古悲又云重惟古文章質厚關秉彝忠孝苟不根

文采空蕪蕤惟茲真粹氣鬱作雄奇姿高爲歲寒
松下亦傾陽葵長鯨旣海掣雷雨方天垂衆體皆
集成萬古誠獨推謁韓文公祠詩有云周昔衰仍
戰言証墨與楊聖徒工放距異說爲懲創二氏來
何自羣迷勢益猖求仙前古妄迎佛國人狂不有
名賢憤何由至敘張五原俱躡奧一表遂排闥髮
引千鈞重瀾迴巨手障偉功同禹孟高識邁荀揚
事與聞知並仁還大勇將先時從上相已佐尅淮
疆梁信覩儒臣效真爲白刃當躬危因正直筆振

自雄剛述作先秦擅流風盛漢芳起衰從八代作
鎮向三唐并約六經旨還窺數仞牆詩篇祇餘事
李杜亦同行霞佩高飛談天瓢倒挹漿兩間盈浩
氣萬丈發光芒此二詩篇幅甚長節錄之先生生
平宗法杜韓故於謁二公祠不覺罄所欲言滔滔
不竭濡染大筆何淋漓此足當之聽松廬詩話

先生遊龍門謁大禹廟五律二首其一云萬年欽
禹力千仞睹龍門山東峰巒壯河驚氣勢奔晴雷
冬亦奮白日晝仍昏感激爲魚歎真看湧洞源先
生喜書此詩蓋得意之作也次首山河待始終句

亦警健

同上

離居又近十霜期萬感惟應病骨支何事年來心
漸怯被稜如鐵夜眠時此魚山先生寄內詩也久
客多病長夜苦寒試誦此詩能無淒冷

同上

先生以憂歸前後主講端溪越華粵秀三書院時
余方弱冠先生一見卽索觀近詩因錄數十首就
正先生評云詩才清逸自是空羣之彥及此盛年
精進不已方當扶輪大雅豈但橫絕一時又書楹
帖見贈不聲華日下荀鳴鶴志節琅琊邴曼容今
懸齋壁間猶令人想見老成典刑也

同上

標題

唐元宗奇令頌墨蹟卷古

三弟因問至

不得哭越月筆述五首五

古

登落鴈峰仰

天池七

中秋夜析城山頂對月歌七

孟縣謁韓文公墓七

嵩山漢柏圖古

顏氏家藏魯公名印歌七

至偃師謁杜

少陵先生祠五

祝融峰頂觀雲海歌七

祖考忌日感述五

唐子畏摹趙文敏

馬九十三匹七

紀八月初二日雨七

夏縣謁大禹廟五言

排律 詣韓文公祠五言

摘句 日月照其頂齊魯衛其足十八盤冥冥何

人夜中宿

岱宗

還時弟獨病病裏兄獨去長路有郵亭是
弟曾留處

雲白山自青水流花更開是中有何法法
亦非如來

林塘靜曉色隔水花濛濛

故友如明月風吹向晚來

白帝西來行萬里黃河東去避二峰華項作

仙掌試看初日上芙蓉高倚半天秋

澗澗黃流千里下冥冥風雨一峭來

羣山已似朝宗下千里真成望氣來願得
凌風舒六翮青蓮瓣上看紅埃

清洛一川映餘雪平原千里受和風

千尋絳闕應鼈忙九點齊州尚霧昏

日觀峰上

大漠無塵通去馬長天如陣置平雲塞上

紫塞秋風隨馬度白登寒色壓城開

大同

千將牛斗千年氣王子江河萬古流

勝工關

官居人海身如寄家遠天涯夢亦難

百千轉路方停棹三十餘年再叩門

生平不下窮途淚每哭良朋涕不禁

李鼎元

字味堂號墨莊四川縣州人乾隆四十三年進士官宗人府主事有師竹齋集

梁爲西南屏水厲山刻削而數十年來未有鍾其靈異者近日縣州稱三李以墨莊爲最意沉擊辭警拔所過名山大川發其抑鬱無聊之氣拔地倚天三吳士大夫未能或之先也湖海詩傳

標題

七盤關

五古

滴水崖

五古

柴關嶺

五古

摘句

峨峨葭萌關樓中第一隘上壓石千尺下

截江一派

雞頭高入雲人與雲爭路夜行山不知險
隘未全露輿夫昧高低亂踏滑石步悄悄
盡七盤艇船或驚去天雞鳴一聲回望轉

生怖雞頭

功名退似臨風鶴家計清於吸露蟬

恭泰

字伯震號蘭巖滿洲人乾隆四十三年進士官兵
部侍郎有蘭巖詩稿

恭蘭巖先生督學吾粵余受知補弟子員嘗在馬
嶺山師處見公詩一卷甚清越今不復記憶惟誌

其遊峽山寺一首以示不忘坐對翠屏幽閣軒俯碧流我來方苦熱到此始知秋雲氣縹幡嶺鐘聲
伏虎樓徘徊不盡興留夢到扁舟

香石詩話

先生舟中看山詩云一重復一掩曲乃盡其妙譬
讀未見書意想所不到數語得山水之趣

聽松廬詩話

摘句 萬山遙一水回折急流湍一里幾回折舟

依山腳盤

鄉心黏短夢客路桂叢山

陳詩

字觀民號愚谷湖北蘄州人乾隆四十三年進士

官工部主事

愚谷殫見沿聞勤於著述暝讀晨鈔罔間寒暑生
平纂輯繁富如湖北舊聞湖北文載湖北詩載湖
北叢載等書均係湖北山川事跡又有歷代地理
志彙纂專記沿革又有質疑錄自天神地祇人鬼
以至道釋鬼神一一攷其原委以詩文附之又有
姓氏書以姓爲經氏爲緯每種皆數十卷其小小
記錄如紀元韻譜名物類編又有宋韻合鈔取廣
韻集韻合爲一編而以三十六字母次第之考田詩話

摘句 山林竟許詩人老歲月還教我輩長

錢世錫

字慈伯號百泉浙江秀水人乾隆四十三年進士官翰林院檢討有鹿山老屋詩集

百泉兄爲先從父蘊石先生長子生平孝友樸實詩如其人先從父清宦歸田饔飧常不足兄大考罷歸嘗授徒于外以佐甘旨乾隆乙卯卒於家年六十三子寶甫己未翰林官至山西布政使王西莊先生嘗謂百泉詩真率不做作最好是詩中有一段仁厚意思蔣心餘先生評己卯庚辰年作謂得山水之助衍石筆記

禪石先生清德雅才卓然爲一代傳人慈伯太史
敦行績學克嗣家聲道光庚寅余入都衍石侍御
以鹿山老屋詩集見示其自警有云吉人能寡辭
凶德莫如傲持身與交友吾其戒輕躁又云父事
兄事人練達推先覺莫妄短處議且就長處學此
數語足爲後生輕浮者對病之藥聽松廬詩話

慈伯初入詞館時禪石先生方奉

命敎習庶吉士英文肅公謂慈伯曰子入翰林

上命其父爲之師可謂至恩試考之古籍能多得否慈伯
有述德詩云瓊頤雄文苑談遷繼史家斯人能自

請業猶憶夕陽斜此蓬瀛佳話亦喬梓美談也

詞標題

游晉祠七首

五古

霍太山

五古

過長平

七古

自尙嵐往保德雜詩三首

五古

古詩示

學徒蔣知讓

五古

古詩三首贈洪稚存

五古

偶成

五古

題高東井陳蓉圃聯句圖

七古

摘句

後世士大夫多被釋氏惑放魚以好生埋鹿以示惻區區婦人仁於事初何益若融

王縉輩遺笑在史冊佞佛禍蒼生其咎兩儀塞

宋學與漢學豈意鴻溝劃兩造辭俱存獄
情當徐獲何乃溝督儒胸次太逼窄漢宋
說異同曾未細紬繹便爾袒左右不得通
阡陌強者誇記誦縹緲廣搜索支離逞博
辯經義愈晦蝕幹濟亦何能身心亦何益
宋儒說近醇莫便輕指摘梳之且櫛之勿
隨勿詭激

生計合離蹤未定中年哀樂話難忘
無由再見仍歡飲卻悔當初有未言
已懶新知投意氣倍於舊雨見情親

莫元伯

字台可號曜山廣東高要人乾隆四十四年舉人
官訓導有栢香齋詩鈔

曜山胸無畦畛和易近人負笈其門者歲嘗百餘
人廉俸所入營甘旨以奉九旬老母餘悉以周貧
交人品旣高詩亦質而不羶淡而彌永

嶺南羣雅

鄉先生以學行聞於時而余獲親炙之以友而兼
師者有二人焉一爲欽州馮公敏昌一爲陽山鄭
公士超馮公雄豪伉爽近於狂鄭公清介剛方近
於狷馮公主講端溪與高要莫善齋先生唱酬甚

歡歲戊辰先生秉鐸吾邑余歸自都中始相見於省垣先生出舊稿屬點勘余就鄙見爲刪存先生不以爲謬余以詩質先生先生亦直言無隱其後過從益密乃知先生誠樸無僞凡事皆然而談藝其一端也先生事母有老萊子風處家和而嚴在官八載多士樂從之遊旦晚講授環而聽者日益衆尤喜讀史嘗摘其要手錄之每春秋佳日招友人登臨覽觀衡盃賦詩怡然藹然人或以非義干輒毅然拒之蓋先生之清介有類鄭公而詩酒徜徉豪情逸致抑何其與馮公相似也

聽松廬文鈔

善齋爲人狷而和詩品清真五言近陶時臻獨到
新築小園云身世苦形役一勤百不荒藐茲灌漑
地卒歲同皇皇春來種瓜蔬秋至築禾場時復率
婦子拮据不敢康老母扶杖來指揮高樹旁人生
無長少艱苦須備嘗老母二語已入神境五言佳
句如涼雲斷曠河七言如秋夢如雲半在山皆秀
絕人區香石詩話

魚山先生書楹帖贈善齋廣文句云奉母孝經看
在手教兒文選讀從頭松軒隨筆

辛未余北上善齋學博賦五言古詩三章贈行其

詩樸老道健循覽詩中之言惟增感愧錄之以誌不忘其首章曰萬里歸閉關一朝行復出悠悠越鄉縣未敢耽暇逸通經果有用濟世豈無術當代諸鉅公拂拭曾一一乘時騁神駿得路卽騰軼會見趨承明何能守蓬蓽雖無溫飽志願秉鉛黃筆春風看花晨得意馬蹄疾其次章曰十載登賢書長年侍慈親南山尊人舉辛酉科以母老不赴禮闈鍾鼎非所營菽水安吾真阿翁此大節高行超等倫翁方守田園兒乃膏車輪南北各異途借問此何因行止隨所遇志非爲一身努力當少年卽以慰老人載途風

雪多行矣自寵珍其三章曰垂暮無一成京塵數
奔逐未曾三上書幾等三刖足歸來客羊城得晤
人如玉忘年相切劘投分抒心腹遠行何所贈家
世遺芳躅子厚正蒙書子壽金鑑錄退爲吾道重
進作蒼生福君喜老生談應不厭往復他日賦遂
初相見酒一斛聽松廬詩評

標題

曉起

五古

水輪歌

七古

謁八忠節祠

七古

中秋與諸生宴集

五古

新築小園

五古第
二首

摘句

適意多可欣豈必在遙托

江天浩無極吳楚但一氣

登燕子磯

山明塔影瘦灘急水光碎

平生慕文獻到處訪遺逸

石奇爭作筭松小亦成濤

樹老易秋色江空多夕陽

寒塘聚白水平野散烏犍

孤村四面水疎雨一船秋

老知讀書趣貧切教兒心

似供花鴨坐不礙畫船行

詠萍

相逢無雜語竟夕只論詩

積水遠浮獅子白亂山橫立虎頭青

浴日

斧鑿何年開混沌乾坤到此失陰晴

石室嚴

問鬼膝前曾半夜望仙河上有高臺

漢文帝

那堪天子都言數誰信將軍果是飛

李廣

國事關心重有感此生多恨半無題

李義山集

太息身緣知己死珍珠十斛未爲恩

綠珠

兼程敢惜驚眠早一飯方知作客難

卅載故人同酒盞片帆明日又天涯

詩成得意忘爲客天與閒身豈必官

美人病去無靈藥秋士吟成有苦聲

一代霸圖何處是梧桐明日又秋風

虎邱

趙希璜

字渭川廣東長寧人乾隆四十四年舉人官知縣有四百三十二峰草堂詩鈔

渭川讀書于羅浮山噓吸雲烟故詩無塵土氣好交海內名士嘗刻黃仲則全集

嶺南
羣雅

趙渭川官安陽令有仙吏之目魚山先生嘗稱其羅浮詩羽化不可期行行已天際二語甚高香石
詩話

摘句 關河百二稱形勝道德三千括治安太史不教藏柱下神龍從此入雲端

函谷
關

元勳誠意猶嫌甚靖難周公殺逆乘燕子

春燈歌舞歇有明終始在金陵

金陵雜詩

人歸一枕烏衣夢我到長吟白傅篇

燕子樓

國朝詩人徵略卷四十五

去

國朝詩人徵略卷四十五